



Sers. R. A. Rodrigues

# HOE TIMOL DOOD IS

Hofverslaggewer

Hoe Ahmed Timol (30) by 'n venster van die tiende verdieping van John Vorster-plein, polisiehoofkwartier in Johannesburg, uitgeduik het, is gister in die Johannesburgse Landdroeshof beskryf.

Sers. R. A. Rodrigues van die Veiligheidspolisie het in die geregtelike ondersoek na die dood van Timol getuig van die harwar wat gevolg het nadat hy na bewering gemerk het dat Timol in die rigting van die venster storm.

## Koffie

Op 27 Oktober het hy na Johannesburg gekom om dokumente en twee salaristjeks van kapl. Gloy en kapl. Van Niekerk na John Vorster-plein te bring. Hy het die dokumente vir kapl. Dirker, ondersoekbeampte in die Timol-saak, na die konferensiesaal gebring. Hier het hy ook gevra waar hy vir kapl. Gloy en kapl. Van Niekerk kon opspoor.

Ongeveer halfvier die middag is hy toe met 'n skinkbord met drie koppies koffie en die twee salaristjeks na kamer 1026, Kapl. Gloy en kapl. Van Niekerk en Timol was in die kamer en hy het die koffie vir hulle gegee.

'n Rukkie later het 'n man by die kamer ingekom en gesê dat die blankes wat by die saak betrokke is, geïdentifiseer is.

## Geskok gelyk

Die naam van Quentin Jacobson is ook deur hom genoem. Die Indierman het geskok gelyk. Toe hy na my gekyk het, het hy verwilderd gelyk. Kapl. Gloy en kapl. Van Niekerk het opgestaan en kapl. Gloy het my gevra om in die kantoor te bly en die Indier op te pas terwyl hulle verdere inligting gaan soek het. Ek het op die stoel regoor Timol aan die venster se kant gaan sit.

"Kort hierna het Timol gevra of hy na die latrine kon gaan. Ons het albei opgestaan. Ek het links om die tafel beweeg. 'n Stoel was eger in my pad. Terwyl ek gestap het, was my oë op die stoel gerig.

"Toe ek eger omkyk, merk ek dat die Indier besig was om om die tafel te storm. Ek het links om die tafel probeer beweeg, maar sy stoel was in my pad. Ek het toe regs omgespring maar my stoel was toe in die pad. In daardie stadium het die Indier

reeds die venster bereik, dit oopgemaak en was hy besig om uit te duik. Ek het oor my stoel geval. Ek kon hom nie aanraak nie en hy het reeds gespring voordat ek hom kon keer."

## Misverstand

Hierna het sers. Rodrigues by die venster uitgekyk en iemand onder langs die gebou sien lê. "Hy het toe dadelik na kol. Greyling se kantoor gehardloop om te rapporteer. Saam met ander mense het hulle toe onderloë gegaan.

Op 'n vraag van adv. I. A. Maisels, wat die Timol-gesin verteenwoordig, het sers. Rodrigues gesê dat hy dieselfde middag na die gebeurte 'n onderhoud met majoor Fick gehad het en die volgende dag met gen. I. Buys. Daar is eger tydens die onderhoude geen notas gemaak nie. Op 11 November het sers. Rodrigues 'n bepaalde verklaring afgele. Adv. Maisels: "Het enige offisiere gevra wat gebeur het?" — "Ja, en ek het aan hulle presies dieselfde vertel as in my verklaring."

Adv. Maisels: "Het Timol ooit na die deur gekyk?" — "Nee, ek het hom dit nie sien doen nie." Hierop het adv. Maisels daarop geëw dat kapl. Gloy en kapl. Van Niekerk in hul getuigenis gesê het dat Rodrigues aan hulle sou vertel het dat Timol gemaak het of hy na die deur beweeg en toe omgespring en na die venster gestorm het. Rodrigues het hierop geantwoord dat hy dit nie gesien het nie en dat dit 'n misverstand moet wees.

Adv. Maisels: "Nadat jy die koffie en die tjeks vir kapl. Gloy en kapl. Van Niekerk gegee het, hoe lank was jy nog daar en wat het jy gedoen?" Rodrigues: "Ek was ongeveer 20 minute daar en ons het geëts. Daar is ongeveer twee vroe aan Timol gevra en kapl. Gloy het notas daarvan gemaak." Sers. Rodrigues het voorts gesê dat hy en Timol ongeveer vyf minute alleen was voor Timol pespring het. Hy het ook gesê dat hy baie geskok was na die voorval.